



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

4 V. 6. 1935

№ 7 Հաս. Յովհաննէս Գաբրիելի № 7

Ս. ԱՆՆԵՆՍԿՈՅՈՒ

ՀԱՆՐԱՊԵՏՈՒԹԻՒՆ

Թարգմ. Ս. Տէր-Անանեան

321
Ա-60

ԹԻՖԼԻՍ 1936

Տպարան «ՀԵՐՄԷՍ» Մաթթիական փող. 5

(106)

Արմ.

321

2-46182

4-60

26 SEP 2006

№ 7 Հրատարակության Յովհաննես Դաւթեանի № 7

Ա. ԱՆՆԵՆՍԿԱՅԱ

ՀԱՆՐԱՊԵՏՈՒԹԻՒՆ



Թարգմ. Ս. Տէր-Անանեան



21011

Թ Ի Յ Լ Ի Ս

Տպարան «ՀԵՐՄԷՍ» ՀճԿ. Մաղաթեան փող. № 15
1906 (166)

15272

13 FEB 2013

Հ Ա Ն Ր Ա Պ Ե Տ Ո Ւ Թ Ի Ի Ն

«Հանրապետութիւն» ասելով ոմանք այնպիսի տէրութիւն են հասկանում, որի կառավարութեան ոյժը թոյլ է, ուր ամեն մարդ՝ առանց օրէնքներից քաշւելու, անում է այն, ինչ ցանկանում է, ուր ամեն ոք կարող է անկարգութիւններ առաջացնել և խախտել խաղաղ բնակիչների իրաւունքները: Այդ կարծիքը միանգամայն սխալ է: Հանրապետութեան մէջ կառավարութեան ոյժը պակաս զօրաւոր չէ, որքան միապետական երկրներում. այնտեղ ևս զոյութիւն ունեն նմանօրինակ խիստ օրէնքներ, ուրիշի իրաւունքը խախտող ամեն յանցագործութիւն պատժող դատարաններ և կարգ ու կանոնի, կեանքի խաղաղ ընթացքի վրայ հսկող ոստիկանութիւն:

Եթէ կառավարութեան զուրկ կանգնած է մի մարդ՝ թագաւոր, կայսր, վեհապետ, սուլթան՝ տէրութիւնը կոչւում է միապետութիւն: Միապետական երկրում վեհապետի իշխանութիւնն առհասարակ հօրից անցնում է ժառանգաբար սրբուն, կամ մօտիկ ազգականին: Որ ժողովուրդն



39897-63

ինքն ընտրէր թագաւոր՝ հազիւ է պատահում, այն էլ սովորաբար այն դէպքում, երբ թագաւորը մեռնում է իրենից յետոյ ոչ մի մտախի ազգական չթողնելով, կամ թէ նոր թագաւորութիւն կազմւելիս: Այդպէս եղել է Ռուսաստանում Միխայիլ Ծէօգօրովիչի ընտրութեան ժամանակ, որ ուսաց այժմեան կայսրների նախահայրն է, այդպէս եղել է Բուլղարիայում, երբ նա Տաճկաստանի լծից ազատեց. այդպէս եղաւ և վերջերս Նորվեգիայում, երբ սա Շվեդիայից բաժանւելով առանձին պետութիւն կազմեց:

Որքան էլ թագաւորը խելօք, ուժեղ ու բանիմաց լինի՝ չի կարող մենակ, անձամբ հասկանալ տէրութեան բոլոր գործերը: Անխուսափելի կերպով նրան օգնականներ են հարկաւոր: Ու նա ընտրում է այդ օգնականներին՝ նախարարներին (մինիստր) իր սեփական ցանկութեամբ և նրանցից իւրաքանչիւրին յանձնարարում կառավարութեան որ և է մասը: Նախարարներն էլ իրանց կողմից են հրաւիրում օգնութեան զանազան աստիճանաւորների (չինօվիկ) և նրանց հսկողութեանը յանձնում այս կամ այն գործերը: Վերջի վերջոյ դուրս է գալիս, որ ժողովուրդը գործ չի ունենում ոչ միայն թագաւորի, այլ և նրա նախարարների հետ, և միապետի կամքը նրան համնում է աստիճանաւորների մի ամբողջ սանդուղի միջոցով:

Նախարարներն ամբողջովին կայսրից կախում

ունեն: Նա է միայն քննում, թէ լաւ են կատարում արդեօք նրանք իրենց վստահած պարտականութիւնը. նա միայն կարող է նրանց զրկել պաշտօնից կամ ուրիշ տեղ նշանակել: Նախարարները կառավարում են տէրութեան բոլոր արդիւնքները, և պետական փողերը ծախսում այն նախահաշի համաձայն, որ կազմում են իրենք ու հաստատում է թագաւորը: Թէ որ աստիճան արդարացի է կազմւած այդ նախահաշիւը, նրանք ոչ ոքի հաշիւ չեն տալիս, բացի թագաւորից: Թագաւորն իր կամքով կարող է հարկերն ու տուրքերը քչացնել կամ շատացնել, հաւաքել ժողովրդի այս կամ այն մասից. նա կարող է տէրութեան ծախքերը կրճատել, կամ, ընդհակառակն, ընդլայնել. կարող է իր անձնական պէտքերի համար նրանցից ջոկել այն գումարները, որ ինքը կարեւոր կհամարի: Նախարարները կազմում են օրէնքները, իսկ թագաւորը հաստատում է, ու նրանք ճակում են, որ այդ օրէնքները խստիւ կատարւեն: Թագաւորն ու իր նախարարները նոյնպէս ենթարկւում են օրէնքներին, բայց քանի որ օրէնք վերացնելը կամ հինը նորով փոխարինելը միանգամայն թագաւորից է կախւած՝ ապա նա միշտ էլ կարող է ոչնչացնել այն օրէնքը, որ իրեն համար այնքան էլ ձեռնտու չի համարի: Այն տէրութիւնը, որ կառավարւում է այդ եղանակով, կոչւում է անսահման միապետութիւն, երբ այդտեղ վեհապետի կամքը չի սահմանա-

փակուած որ և է ուրիշ կամքով: Բոլոր հպատակները պարտաւոր են կատարել նրա տւած օրէնքները, և չեն համարձակւի քննել թէ լաւ կամ վատ են այդ օրէնքները, բաւարարութիւն են տալիս իրենց պահանջներին, թէ ոչ:

Բացի անսահման միապետութիւնից կայ և սահմանաւոր միապետութիւն: Սրա կառավարութեան զուլի կանգնած է նոյնպէս ժառանգական միապետը՝ ու այլ և այլ կարգի գործեր վարում են նախարարները. սակայն ժողովուրդը նոյնպէս մասնակցում է տէրութիւնը կառավարելու խընդրին. գոնէ նախարարների գործունէութիւնն ըստուգելու իրաւունք ունի: Այդ նպատակով ժողովուրդն ընտրում է իր լիազօրներին՝ պատգամաւորներին՝ որոնք կազմում են առանձին ժողով. պարլամէնտ, վերաքննիչ ատեան և այլն: Պատգամաւորների այդ ժողովը խորհրդածութեան է առնում նախարարների կազմած օրէնքները. քննելով, մերժում է այնպիսիները, որոնց ազգաբնակութեան համար անօգուտ է գտնում, միւսների մէջ իրեն հայեցակէտերն ու փոփոխութիւններն է մտցնում, մի քանիսն էլ, վերջապէս, համաձայնում է ամբողջովին ընդունել: Կայսրն օրէնքը հաստատում է արդէն պատգամաւորների քննութիւնից ու ընդունելուց յետոյ, և այդպիսի օրէնքը միայն ոյժ ունի, այդպիսի օրէնքին միայն ամենքը պարտաւոր են հնազանդւել:

Սահմանաւոր (սահմանդրական) կայսրութեան մէջ թագաւորն ինքն է ընտրում ու նշանակում նախարարներին, որպէս և անսահմանի մէջ, սակայն այդ նախարարներն իրենց գործունէութեան համար հաշիւ են տալիս ոչ միայն նրան, այլ և պատգամաւորներին, ժողովրդի ներկայացուցիչներին: Պատգամաւորներն իրաւունք ունեն իրենց դժգոհութիւնն արտայայտել նրանց, եթէ որ և է անփութութիւն նկատեն նրանց գործերի մէջ. իրաւունք ունեն հարց ու փորձ անել նրանց վարչութեան մէջ կատարուած ամեն անարդարութեան համար: Անընդունակ երևացած նախարարին պատգամաւորներն իրաւունք չունեն պաշտօնից հեռացնել, բայց նրանք իրենց անվստահութիւնը կարտայայտեն դէպի նա, և այդ անվստահութիւնը կվերաբերի բոլոր նախարարներին, քանի որ բոլոր նախարարները կազմում են մի «կաբինէ», ու ամենքն էլ շատ կամ քիչ չափով պատասխանատու են միմեանց համար: Այնուհետև ժողովրդի ներկայացուցիչներն այդ նախարարութեան մտքած ոչ մի օրէնք չեն ընդունի: Կայսրը կամայ ակամայ ստիպուած կլինի արձակել այդ նախարարութիւնը՝ որ անհաճոյ է ժողովրդի պատգամաւորներին, ու ընտրել նորը, նրանց վստահութիւնը վայելող մարդկանցից: Երբեմն, ասենք, նա այլ միջոցի է դիմում. նա արձակում է ներկայացուցիչների ժողովը և նոր ընտրութիւններ յայտարարում: Եւ այդ այն միտումով, որ իմա-

նայ թէ ժողովուրդն իր պատգամաւորների հետ համաձայն է. եթէ երևաց՝ որ համաձայն է, որ նոր ժողովն էլ ճիշտ այնպէս անվտանգ է դէպի նախարարները՝ այն ժամանակ նա ստիպւած է զիջել, այսինքն արձակել նախարարների կարէնէտը:

Ժողովրդական ներկայացուցիչների ժողովը տէրութեան բոլոր ծախքերի ու արդիւնքների սկզբնական հաշիւը ստուգում և մանրամասն քննութեան է ենթարկում: Ոչ մի հարկ կամ տուրք չի կարելի պահանջել հասարակութիւնից, առանց նրանց թոյլտուութեան: Նրանք նոյնօրինակ ուշիմութեամբ ուղղում են ծախքերի բոլոր յօդւածներն ու կրճատում այնպիսիները, որ իրենց չափից վեր ծանր է թւում: Հէնց պատգամաւորներն իրենք են որոշում, թէ թագաւորը, նրա ընտանիքն ու պալատը տարեկան ինչքան պէտք ծախսի: Տէրութեան փողերը կարգադրելու այդ իրաւունքը պատգամաւորների ժողովին աւելի ոյժ է տալիս: Այնպէս որ, թագաւորը, եթէ ուզենար մի որոշ ժամանակ նրանց ժողովի չհրաւիրել՝ չէր կարող, քանի որ առանց նրանց կարգադրութեան ոչ ոք իրաւունք չունի ոչ հարկեր պահանջել, ոչ վճարել. մինչև անգամ ինքը կայսրը չէ կարող ոչ մի կոպէկ ստանալ պետական գանձարանից:

Սահմանադրական երկրներում կայսեր անձը համարւում է անպատասխանատու, այսինքն ոչ ոք իրաւունք չունի դատել վեհապետին նրա ա-

րարքների համար, կամ նրա գործերից հաշիւ պահանջել: Այդ բանի շնորհիւ մի թագաւոր, որ իր ժողովրդի շահերի մասին չի հոգում, կամ չի հասկանում թէ ինչի մէջ է կայանում այդ շահը՝ կարող է ազգաբնակութեանը վնասակար որ և է կարգադրութիւն անել. բայց, որպէսզի խոյս տրւի նման վտանգից՝ սահմանադրական-միապետական երկրներում այսպիսի մի օրէնք գոյութիւն ունի — կայսեր ամեն հրահանգ (ուկագ), օրինական է դառնում միայն այն դէպքում, երբ նրա տակ ստորագրել է նախարարներից մէկն ու մէկը: Բոլոր նախարարները պատասխանատու են ժողովրդական ներկայացուցիչների ժողովի առաջ, հետևապէս և իւրաքանչիւրը նրանցից չի ստորագրի կայսերական այնպիսի հրահանգ, որ ներկայացուցիչներին հաճելի չէ:

Անսահման միապետութեան ժամանակ կայսեր հպատակներն առանց դէս ու դէնի պարտաւոր են խոնարհւել նրա հրատարակած կարգադրութիւնների, օրէնքների առաջ:

Նրանց գործը չէ, թէ վատ կամ լաւ, օգտակար կամ վնասակար են այդ օրէնքները. բաւական է, որ նրանք իմանան թէ այդպէս է մտածում ու կամենում թագաւորն իր նախարարների հետ: Եթէ նրանք որ և է չլինօփսիկի գեղծումները նկատեն՝ բողոքելն իրող է, քանի որ բողոքը պիտի գնայ հէնց այն նախարարին կամ նահանգապետին, որ նշանակել է այդ չլինօփսի-

կին. իսկ եթէ նրանք կամենան իրենց կարիքները մասին իրեն, թագաւորին իմաց տալ, նրանց ձայնը կիւեղդուի այն երկար շարան այլ և այլ աստիճանաւորների կողմից, որոնք կանգնած են նրանց և կայսեր մէջ:

Բոլորովին ուրիշ է սահմանաւոր կամ սահմանադրական պետութեանց մէջ:

Այդտեղ ամեն քաղաքացի անտարակոյս քննոււմ է կայսեր աւած ու իրենց պատգամաւորների հաստատած օրէնքները: Նրանք պարտաւոր են վերլուծել, թէ համապատասխանում են արդեօք այդ օրէնքները տեղական պայմաններին, և ընդգծել նրանց պակասութիւններն ու այն փոփոխութիւնները, որ իրենք կարևոր կգտնեն մտցնել նրանց շարքը: Աստիճանաւորների զանցառութիւնները նոյնպէս անուշաղիք չեն մնում. ամեն մարդ գիտէ, որ նրանց մասին կարելի է յայտնել նախարարներին, և նրանք կշտապեն ուղղել իրենց ստորադրեալներին, ժողովրդի վստատութիւնը կորցնելու երկիւղից:

Ժողովրդական ներկայացուցիչների ժողովի համար պատգամաւոր ընտրելիս նոյնպէս ամեն մարդ պէտք է շատ մտածէ ու խորճէ՝ պէտք է ընտրել այնպիսի մարդու, որ տեղական հանգամանքները շատ լաւ գիտէ, և հարկաւոր դէպքում կարող է ուրիշներին բացատրել. կարգին մարդու, որ չի շլանայ փառքով ու իր ընտրողներին դաւաճանի. խելօք և աւողջամիտ մարդու,

որ կարող լինի պետական բարդ խնդիրներում թէ ինքը գլուխ դուրս տանել, թէ տեղեակ մարդկանց օգնութեանը դիմել, մարդիկ, որ անշահախնդիր կերպով ժողովրդի բարիքն են ցանկանում:

Այդ բոլորի համար էլ սահմանադրական պետութեան ամեն մարդու անհրաժեշտ է գրքեր ու լրագիրներ կարդալ, ժողովներ յաճախել, լսել իրեն հետաքրքրող հարցերի մասին այլ և այլ կարծիքներ, և անհրաժեշտ է նոյնպէս, որ ինքն ազատ ու համարձակ իր մտքերն արտայայտի, որպէս զի իմանայ թէ ճիշդիս առարկութիւններ կարող են լինել իր հայեացքների դէմ, ու թէ ով է համամիտ իրեն հետ: Ահա թէ ինչու բոլոր սահմանադրական երկրներում կայ և զոյութիւն ունի ամեն տեսակ խմբումների ու ժողովների, խօսքի ու մամուլի ազատութիւն, կայ անձի անձեռնմխելիութիւն, այսինքն ոչ ոք իր ճառախօսութիւնների համար պատասխանատուութեան չի տարւում, ոչ ոք առանց դատարանի չի կարող զրկել ազատութիւնից ու գանազան հալածանքների ենթարկել ոստիկանութեան քմահաճոյքներով:

Հանրապետական ձևի կառավարութեան մէջ առանձին անհատներն աւելի շատ են մտածում, հոգում հասարակական խնդիրների մասին, քան սահմանաւոր միապետութեան մէջ, որովհետև ժողովուրդն այս դէպքում վարչական գործերին

մասնակցում է աւելի մեծ չափով, քան ամեն այլ եղանակի կառավարութեան դէպքում:

Որ և է երկրի ամբողջ ժողովուրդը՝ բոլոր քաղաքացիները *) , հասկանալի է, չեն կարող ինքներն անմիջական կերպով թէ օրէնքներ կազմել, և թէ կատարել այդ օրէնքները: Մինչև անգամ մանր համայնքներում հասարակութիւնն ընդհանուր ժողովի ժամանակ որ և իցէ վճիռ դնելով, ի կատար անելը յանձնարարում է յատուկ ընտրւած մարդկանց՝ տանուտէրին, տեղական վարչութեանը և այլն: Հանրապետութեան մէջ օրէնքներ հրատարակելու իրաւունքը պատկանում է ժողովրդից ընտրւած ներկայացուցիչների ատեանին. իսկ կատարողական իշխանութեան գլուխ ժառանգական վեհապետի փոխարէն բըռնում է նորից ընտրեալ անձնաւորութիւն՝ նախագահը, որ, սովորաբար, ընտրւում է կառավարելու ոչ թէ իր կեանքի ամբողջ ընթացքում, այլ մի քանի տարով, և որի իշխանութիւնը միշտ էլ սահմանափակ է, երբեմն աւելի, երբեմն պակաս:

Հանրապետութեան մէջ եթէ ժողովրդի մի խաւը կամ դասակարգը տիրում է բոլոր միւս

*) Այս գրքոյկի մէջ քաղաքացի բառի տակ պէտք է հասկանալ և գիւղացիներին. իրաւունքի տեսակէտից ամեն մարդ «քաղաքացի» է:

Մ. Թարգմ.

դասակարգերին, այն ժամանակ ստեղծուում է այսպէս կոչւած ազնւապետական կամ արտոնեալների հանրապետութիւն: Այդպիսի հանրապետութեան կամ հասարակապետութեան իշխանութիւնը պատկանում է տիրապետող դասակարգի կամ խաւի ներկայացուցիչների ժողովին. հէնց այդ դասակարգը կամ խաւն էլ իր միջից ընտրում է նախագահին: Սկզբներում այդպիսի մի քանի տեսակի հանրապետութիւններ են եղել, ուր իշխանութիւնը մի տեղ ամենայայտնի, մի ուրիշ տեղ ամենահարուստ մարդկանց ձեռքն է եղել. սակայն ներկայումս գոյութիւն ունեն միմիայն ռամկավարական հանրապետութիւններ, այսինքն այնպիսիները, ուր քաղաքական իրաւունքների տէրը հանդիսանում է ամբողջ ժողովուրդը. — հասարակութեան ամեն խաւի ու դասակարգի անհատներ, որոշ տարիքի հասած և դատարանով չարատաւորւած՝ պատգամաւորական ժողովի համար ընտրում են իրենց ներկայացուցիչները. ամեն մարդ կարող է ընտրուել ու մինչև անգամ հանրապետութեան նախագահ դառնալ: Օրինակ ֆրանսիական հանրապետութեան առաջւայ նախագահը՝ Լուրէն մահուդ վաճառողների ընտանիքից է, իսկ այժմեանը երիտարարդ հասակում գրասենեակի մի պարզ գրագիր է եղել: Հիւսիսային-Ամերիկայի Միացեալ Նահանգների ամենայայտնի նախագահներից մէկը՝ Աբրահամ Լինկոլնը, որի օրով նեգ-

րերի ստրկութիւնը վերացաւ, ջահիլ ժամանակ անտառից գերաններ էր քշում գետերով:

Ֆրանսիայում նախագահին ընտրում է այսպէս կոչւած Ազգային ժողովը, որը կազմուած է պատգամաւորների ատեանից (ամբողջ ժողովըրդի ներկայացուցիչները) և Սենատից, որի անդամները (300 հոգի) պէտք է 40 տարեկանից պակաս չլինեն, և որոնց ընտրում են ամեն դեպարտամէնտում (մեր նահանգների նման) տեղական պատգամաւորներն ու տեղական ինքնավարութեան ներկայացուցիչները: Նախագահը համարւում է կատարողական իշխանութեան գլուխ. նա է նշանակում նախարարներին ու բարձր պաշտօնեաներին. նա է պատգամաւորների ատեանի քննութեանը յանձնում իր ցանկացած օրէնքները, որոնց, սակայն՝ ատեանը կարող է և չընդունել:

Եթէ երկու բարձրագոյն ատեանները, այսինքն պատգամաւորների ատեանը և սենատը որ և է օրէնք ընդունեն, նախագահը չի հրաժարւի հաստատելուց: Նա իրաւունք չունի, առանց այդ ատեանների համաձայնութեան, պատերազմ յայտարարել. իսկ օտար պետութիւնների հետ դաշինք կարող է կապել ոչ-այնքան կարևոր գործերի համար. մինչդեռ բոլոր կարևոր դաշնագրութիւնները, օրինակ առևտրի, տէրութեան ֆինանսների, հողեր ձեռք բերելու կամ զիջելու ինդրում անհրաժեշտ է երկու ատեանների հաս-

տատութիւնը: Նախագահը, որպէս և ամեն կայսրը, իր պաշտօնէական գործերի համար պատասխանատու չէ, սակայն նա էլ, որպէսզի իւր բոլոր հրամաններն օրինական դարձնէ, պէտք է նախարարներից մէկն ու մէկին ստորագրել տայ:

Իւրաքանչիւր նախարար հսկում է կառավարութեան որ և է մասին և իր նախարարութեան մէջ կատարւող ամեն զանցառութեան համար պատասխանատու է ատեանի առաջ. բացի դրանից բոլոր նախարարները միատեղ պատասխանատու են կառավարութեան ամբողջ գործունէութեան համար:

Հիւսիսային-Ամերիկայի Միացեալ Նահանգների հանրապետութեան նախագահն ընտրւում է բոլոր ժողովրդից, այսինքն ամեն իրաւունքի ընդունակ (եթէ կարելի է այսպէս ասել) քաղաքացիներից երկաստիճան ընտրութեամբ. ժողովուրդն ընտրում է ընտրողներ, իսկ սրանք ձայների մեծամասնութեամբ ընտրում են նախագահ չորս տարի ժամանակով: Նախագահն էլ նշանակում է նախարարներին ու զլխաւոր պաշտօնեաներին և նախարարներն իրենց գործերի համար միայն նրան են հաշիւ տալիս ու նրան են միայն պատասխանատու: Սակայն, դրա փոխարէն, նախագահն ինքը պատասխանատու է ժողովրդի ներկայացուցիչների առաջ:

Օրէնքներ կազմելու իրաւունքը ժողովրդի

ներկայացուցիչներինն է, և եթէ նախագահը համաձայն չէ այդ ատեանի ընդունած օրէնքի հետ՝ կարող է դարձնել վերաքննութեան ենթարկելու, սակայն այդ վերաքննութիւնից յետոյ արդէն պարտական է ընդունել:

Երկիրը կառավարելու գործում ամենամեծ մասնակցութիւն ցոյց է տալիս Զւիցէրիայի ժողովուրդը:

Փոքրիկ Զւիցէրիան ոչ միայն ռամկավարական, այլ և Ֆէդերատիվ, դաւենակցական հանրապետութիւն է: Նա բաղկացած է 22 կանտոններից, որոնք լիակատար ինքնուրոյնութիւն ունեն այն ամեն ինդիւիդուալ, ինչ տեղական ինքնավարութեանն է վերաբերում և իւրաքանչիւր կանտոն իր առանձին օրէնքներն ու սովորոյթներն ունի: Ամբողջ հանրապետութեան համար ընդհանուր օրէնքներն ամեն կանտոն կատարում է իր սեփական պաշտօնեաների միջոցով: Զօրքը գտնւում է կանտոնների ձեռքը, իսկ Դաշնակցական կառավարութիւնը հիմնում է ընդհանուր կանոններ, նշանակում է աւագ սպաներ և պատերազմի ժամանակ իր վրա է աւելում զօրքի հրամանատարութիւնը:

Դաշնակցական կառավարութիւնը վերահսկում է տեղական աստիճանաւորներին և կարող է մասնաւոր մարդուն պաշտպան կանգնել նրանց հալածանքների դէմ:

Դաշնակցական կառավարութիւնը կազմւած

է ա) Ազգային ժողովից՝ ժողովրդական պատգամաւորների ատեանից, որոնց ընտրում են բոլոր քաղաքացիները բացի հոգևորականներն ու գատարանով արատաւորւածները, 20-ից ոչ պակաս տարիքով, և բ) Միացեալ խորհրդից, որի համար ամեն կանտոն երկու պատգամաւոր է ընտրում:


Այդ երկու խորհուրդը, այսինքն Ազգային ժողովը ու Միացեալ խորհուրդը, միասին ընտրում են կատարողական իշխանութիւն, որ կոչւում է Ֆէդերատիվ Խորհուրդ կամ Դաշնակցական կառավարութիւն, եօթ անգամից: Սրանք բարեկարգում են նախարարութեան պաշտօններն ու պետութեան բոլոր գործերը բաժանում իրար մէջ: Նրանք իրենց մեջից ընտրում են հանրապետութեան նախագահ: Նախագահը նոյնպէս Ֆէդերատիվ խորհրդի միւս անդամների նման վարում է գործերի որոշ մասը: Նրան ընտրում են ընդամենը մի տարի ժամանակով, և նա տէրութեան աւագի դերը կատարում է զլիաւորապէս տարբեր ձևականութիւններով, նոյնպէս և օտար պետութիւնների հետ յարաբերութիւնները նրա միջոցով են տեղի ունենում:

Ամեն կանտոն տեղական գործերի համար իր օրէնսդրական ատեանն ունի, ժողովրդի ներկայացուցիչներից: Այդ ատեանը, որ կոչւում է Բարձր Խորհուրդ՝ հրատարակում է օրէնքները, որոշում է հարկերը, կանտոնեաների



գործունէութեանը, նշանակում է ամենակարևոր գործիչներին: Կատարողական իշխանութիւնը կանտոններում պատկանում է 5—9 հոգուց բաղկացած մի խորհրդի, որոնց ընտրում է կամ Բարձր Խորհուրդը, կամ հէնց ժողովուրդն ինքը:


Մի քանի կանտոններ Բարձր Խորհուրդ չեն ընտրում և գործերը վճռում են բոլոր քաղաքացիների ընդհանուր ժողովում: Այդպիսի ժողովները սովորաբար լինում են բացօդեայ: Լանդամանը՝ կանտոնի աւագը՝ նստում է ընդարձակ դաշտի կամ մարգագետնի մէջ սեղանի մօտ. նրա շուրջը խմբւում են կանտոնի բոլոր տղամարդիկ, իսկ նրանց ետևը՝ կանայքն ու երեխաները: Լանդամանը պատմում է թէ ինչ է արել անցեալ տարի, յետոյ կարդում է աղօթք ու անցնում այն խնդիրներին, որ ժողովը պէտք է վճռէ: Նա նոր օրէնքներ է առաջադրում ժողովին, սա քնննում է այդ օրէնքները, մի մասն ընդունում, միւսը՝ մերժում. մասնաւոր քաղաքացիներ էլ իրենցից են առաջարկում միջոցներ, որ հասարակութեանն օգտակար են համարում, այդ էլ մանրամասն քննում են նախ քան ընդունելը, այնուհետև որոշում են հարկերը, առաջիկայ տարւայ էլ ու մուտքի նախահաշիւը հաստատում, հարկաւոր դէպքում աւագին առաջադրում են ընդհանուր գործերի համար փոխառութիւն անել և, վերջապէս, խորհրդի անդամներ են ընտրում, որոնք աւագի հետ միասին հանդիսանում են թէ



կատարողական իշխանութիւն, թէ այլ պաշտօնեաներ:

Այդպիսով ժողովուրդն ինքն է այստեղ վարում իր գործերը, առանց որ և է ժողովրդական ներկայացուցիչներին. բայց այդ հնարաւոր է, ի հարկէ, այնտեղ միայն, ուր բնակիչները բազմաթիւ չեն: Հարիւր հազար մարդ, պարզ է, չէ կարող մի ժողովի հաւաքել ու իր գործերի համար կանոնաւոր քննութիւն կատարել:

Մի քանի սակաւաբնակ կանտոններում ընդհանուր գործերի համայնական այդ եղանակով կարգաւորելուց զատ, պատահում են դէպքեր էլ, երբ բոլոր զւիցէրացիներն անմիջական մասնակցութիւն են ունենում պետական կարևոր խնդիրներում: Այդպէս լինում է, երբ անհրաժեշտութիւն կայ հանրապետութեան սահմանադրութեան մէջ որ և է փոփոխութիւն մտցնել, նրա հիմնական օրէնքների նկատմամբ: Այն ժամանակ Դաշնակցական կառավարութիւնն ամեն քաղաքացու գրաւոր հարցում է ուղարկում թէ, ցանկանում են արդեօք նրանք, որ սահմանադրութեան մէջ այս ինչ փոփոխութիւնը մտցրել, և ամեն մարդ պարտաւոր է պատասխանել այն կամ ոչ: Երբ առանձին կանտոններ են ցանկանում փոփոխութիւն մտցնել իրենց սահմանադրութեան մէջ, նրանք են ղիմում ազգաբնակչութեանը հարց ու փորձով: Երբեմն այդ հարց ու փորձը տեղի է ունենում ուրիշ օրէնքների առթիւ, բացի



տանձանագրականը, որոնք կարևոր են կամ ամբողջ պետութեան շահերի տեսակէտից կամ մի առանձին կանտոնի համար: Բայց այդ կատարուում է, երբ ժողովրդի մի որոշ մասը պահանջում է. օրինակ համապետական օրէնքների համար ոչ պակաս քան 30,000 հոգի:

Այդպիսով ուրեմն կարելի է ասել, որ Զւլիգերիան կատարեալ ռամկավարական տէրութիւն է. այնտեղ ամբողջ կառավարութիւնը ժողովրդի ձեռքին է գտնուում, բոլոր պաշտօնեաներին ընտրում է կամ ինքը ժողովուրդը կամ նրա ներկայացուցիչները, այդ պատճառով էլ նրանք հանդիսանում են ժողովրդի կամքը կատարողներ. կամք, որ արտայայտում է կամ պատգամաւորների ատենը կամ անմիջապէս հէնց քաղաքացիք իրենք:

Այդ պայմաններում անա ոչ մի ներքին շրփոթութիւն, ոչ մի ընդհարում առանձին կանտոնների կամ ժողովրդի տարբեր խաւերի մէջ՝ չեն վրդովում կեանքի խաղաղ ընթացքը, և վարչական բոլոր շրջաններում տիրում է լիակատար կարգապահութիւն:



<< Ազգային գրադարան



NL0189433

Յովհաննէս Գարեհնէի հասարակութեամբ լրո
նէ տետրի

1. Ս. Գորիկո Մարտ Զոգրոս Քաղցէ
Ս. Քաղցեանի 10 Կր
2. Ս. Քաղցեան, Բանաստեղծութիւններո
3. Լ. Սիւրբեկ Սարգսեան Քաղցէ Ս. Քաղ-
ցեանի 10 Կր
4. Յ. Սեպուհեան, Արքա-ն Արքա 2 հատոյն յար-
մուտ, Քաղցէ. Գորիկոյ Կ. և Ս. Քաղ-
ցեանի 10 Կր
5. Ա. Առաքեալ. Երգերու ժողովոյ Սիւր-
բեկ. Սիւրբեկ Սարգսեան Կ. Քաղցե-
անի 10 Կր
6. Ս. Ս. Գորիկոյ Սարգսեանի Սիւրբեկ
Քաղցէ. Ս. Քաղցեանի 10 Կր
7. Ս. Ս. Գորիկոյ Սարգսեանի Սիւրբեկ
Քաղցէ. Ս. Քաղցեանի 10 Կր
8. Ս. Ս. Գորիկոյ Սարգսեանի Սիւրբեկ
Քաղցէ. Ս. Քաղցեանի 10 Կր
9. Ս. Ս. Գորիկոյ Սարգսեանի Սիւրբեկ
Քաղցէ. Ս. Քաղցեանի 10 Կր
10. Ս. Ս. Գորիկոյ Սարգսեանի Սիւրբեկ
Քաղցէ. Ս. Քաղցեանի 10 Կր